

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Kriegskunst zu Fuß

Wallhausen, Johann Jacob

[Frankfurt a.M.], 1631

Das Ander Capitel. Wie man mit Gliedern schiessen soll

[urn:nbn:de:bsz:31-163196](https://nbn-resolving.org/urn:nbn:de:bsz:31-163196)



Das Ander Capitel.
Wie man mit Gliedern schießen
soll.



Leich wie du nun die Musquetirer / wann sie Gliederweiß geschossen / auff einer seiten zusammen hinauff marschiren lässest / omb sich im anhangen in ihr vorige Ordnung zubegeben / Also lehre sie auch / wie sie sich / wan sie in ihrem Glied geschossen / theilen können / also das sich das ganze Glied theilet in zwey Theil / vnd beyde halbe Theil lässestu auff beyden seiten der Ordnung längs marschiren / sich also widerumb in Ordnung begeben / welches du von vornen vnd von hinten zu im schießen thun kanst. Besihe dieses Exempel.

Declaratio Exempli.

Hie sihestu in Numero 4. Figura 1. sechs in einem Glied / vnd A die Fronte, da das erste Glied geschossen / theilet es sich in zwey Theil / vnd gehen drey auff der rechten seiten herunter / vnd drey auff der lincken / als du in Litera B vnd C sihest / vnd stellet sich der erste von der rechten seiten hinten an in die erste Keye / der zweyte neben ihm in die ander Keye / der dritte in die dritte Keye / vnd der erste auff der lincken seiten stellet sich in die erste Keye der lincken seiten / vnd die andern zween neben ihm / vnd also mit allen Gliedern vort an / wie sie von vornen / also lasse sie solches auch von hinten zu vben / sind die Glieder vngleich / so lasse das eine gleich seyn / das ander vngleich / es ist nichts daran gelegen.

G ij

Das

